

Broj: 01-01.3-11127-17/25 MB

Datum: 02.06.2026. godine

Na osnovu člana 69. stav (3) Zakona o javnim nabavkama (Službeni list BiH, broj 39/14, 59/22 i 50/24, u daljem tekstu: Zakon), direktor Ugovornog organa JP Autoceste Federacije Bosne i Hercegovine d.o.o. Mostar donosi sljedeću:

## ODLUKU o otkazivanju otvorenog postupka javne nabavke

I

Otvoreni postupak za javnu nabavku izvođenja radova: „Zamjena rasvjetnih tijela s klasičnim žaruljama s rasvjetnim tijelima u LED tehnologiji – faza II“:

1. LOT 1 – „Zamjena rasvjetnih tijela na lokacijama tunel Grab, tunel Vis, petlja Tačin, odmorište Lepenica“;
2. LOT 2 – „Zamjena rasvjetnih tijela na lokacijama tunel Gaj i petlja Butila“;
3. LOT 3 – „Zamjena rasvjetnih tijela na lokacijama tunel Vukov gaj, tunel Oštrik, ČNM Sarajevo sjever i petlje Podlugovi, Kakanj i Lašva“;

broj: 01-01.3-11127/25 MB za koji je na Portalu javnih nabavki objavljeno Obavještenje o nabavci broj: 266-1-3-182-3-188/25 od 30.04.2026. godine i Ispravka obavještenja o nabavci broj: 266-1-3-182-8-207/26 od 13.05.2026. godine, otkazuje se u skladu sa članom 69. stav (3) Zakona, zbog dokazanih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona Ugovorni organ će ovu Odluku objaviti na svojoj internet stranici [www.jpautoceste.ba](http://www.jpautoceste.ba).

## O b r a z l o ž e n j e

Ugovorni organ je u skladu sa članom 14. stav (4), 17. stav (1), 18. stav (1) i 25. Zakona o javnim nabavkama pokrenuo otvoreni postupak javne nabavke za izvođenje radova: „Zamjena rasvjetnih tijela s klasičnim žaruljama s rasvjetnim tijelima u LED tehnologiji – faza II“, broj 01-01.3-11127/25 od 22.12.2025. godine.

Na Portalu javnih nabavki objavljeno je Obavještenje o nabavci 266-1-3-182-3-188/25 od 30.04.2026. godine i Ispravka obavještenja o nabavci broj 266-1-3-182-8-207/26 od 13.05.2026. godine.

Nakon objave tenderske dokumentacije za postupak javne nabavke za izvođenje radova: „Zamjena rasvjetnih tijela s klasičnim žaruljama s rasvjetnim tijelima u LED tehnologiji – faza II“, utvrđeno je da projektna dokumentacija sadrži grešku koja se odnosi na fotometrijske proračune.



PK

Priilikom izrade projektne dokumentacije korištene su pogrešne ulazne vrijednosti sjajnosti ulazne zone tunela, zbog čega su u svjetlotehničkim proračunima unesene nepravilne vrijednosti, što je rezultiralo pogrešno utvrđenim brojem potrebnih svjetiljki.

Imajući u vidu da utvrđeni nedostaci predstavljaju suštinske izmjene tehničkih specifikacija, količina i procijenjene vrijednosti nabavke, Ugovorni organ je odlučio otkazati predmetni postupak javne nabavke u skladu sa članom 69. stav (3) Zakona, te će nakon izvršenih korekcija projektne dokumentacije, količinske specifikacije i procijenjene vrijednosti pokrenuti novi postupak javne nabavke.

Navedeno postupanje neophodno je radi osiguranja transparentnosti postupka javne nabavke, jednakog tretmana i nediskriminacije svih potencijalnih ponuđača, te stvaranja uslova za pripremu potpunih, prihvatljivih i međusobno uporedivih ponuda, čime se osigurava zakonito, pravilno i efikasno provođenje postupka javne nabavke, kao i racionalno i namjensko trošenje javnih sredstava kroz pokretanje novog postupka zasnovanog na tačnim tehničkim podacima i usklađenim količinskim specifikacijama.

Shodno navedenom, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi putem ugovornom organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

**Direktor:**  
  
\_\_\_\_\_  
**Denis Lasić**



#### **Dostaviti:**

- Web stranica preduzeća
- a/a

